



Protocol dils 18 d'avrel 2015

Radunonza generala allas 20.00 el Hotel La Furca Mustér

Presents	26
Perstgisas	27
Extradas	Sonja Schmed, Tamara Venzin

Tractandas

1. Beinvegni ed appel
2. Elecziun da dus dumbravuschs
3. Approbaziun dil protocol dils 10 da matg 2014
4. Rapport annual dil president
5. Rendaquen e rapport dils revisurs
6. Preventiv 2015/16
7. Fixaziun dallas contribuziuns annualas per ils commembers
8. Elecziuns, reelecziuns
9. Rapports dils trenaders
10. Orientaziuns e decisziuns
11. Varia

1. Beinvegni ed appel

Il president Flavio Steger arva allas 20.05 uras la radunonza generala e fa in cordial beinvegni als 25 presents. El menziunescha las perstgisas per la radunonza e prelegia las extradas dall'uniun.

2. Elecziun da dus dumbravuschs

Dario Schuoler e Simon Bisquolm vegnan proponi ed elegi sco dumbravuschs per la radunonza.



3. Approbaziun dil protocol dils 10 da matg 2014

Era uonn ei il protocol digl onn vargau vegnius publicaus sin la pagina d'internet. Ord quei motiv vegn el buca prelegius. Damondas ni remarcas dat ei neginas.

Il protocol dalla radunonza generala digl onn 2014 vegn approbaus unanimamein.

4. Rapport dil president

Flavio Steger ei il tierz onn president dils Desertina Bulls. Quella sesiun ha ei dau dapli lavur ch'ils onns vargai, tgei ch'ei denton stau positiv. Quei ord il motiv ch'ils trenaders han giu dapli ideas e la motivaziun dils tals era fetg gronda.

Sesiun 2014/15

Damas Las damas han contonschiu il fetg bien 3. plaz. Deplorablamein ha il president saviu mirar negins giugs dad ellas.

Umens Ils umens han puspei giugau sin plaz grond. Igl ei stau ina sesiun da baghegiar si. Da menziunar ei la fetg buna prestaziun ch'els han mussau a casa.

Juniors B Ils juniors B ein aunc buc constants.

Juniors C Ils juniors C ein plein motivaziun, han fetg grond plascher e han mussau ina fetg buna runda da casa.

Junioras Las junioras eran uonn ina pintga gruppa. Las trenadras han denton fatg buna lavur.

Kids/ Seniors Il president ha udiu pauc resun dils Kids sco era dils seniors. Era leu ha il president giu negina caschun da perseguitar ils trenaments.

Il project G&S (Giuventetgna e Sport) ha purtau al club daners, aschia vein era saviu pagar ora dapli ils trenaders. Dapli suonda.

Revista dalla sesiun

- La sesiun ha entschiet cun il **test da material** dil Menzli Sport. Tgei ch'ei stau bein visitau. Plinavon menziunescha il president la buna collaboraziun cun Menzli Sport.
- Il november ein ils Desertina Bulls segidai cun baghegiar si e giu l'infrastructura **dall'EX 2014**.
- Era uonn ei il **turnier da notg** staus in success. 30 equipas han priu part al турниer da notg 2014.
- La **sera dil club** ha giu liug ils 10 da schaner cun in турниer da mix denter las equipas. Silsuenter ha ei dau ina super tscheina el Hotel La Furca. Tuts han schau plascher e gustar.



- Igl avrel ha giu liug in **fuffernadi pils KIDS** ch'ei vegnius organisaus da Claudia Flury ed Adela Stojkova – engraziel fetg ad ellas.

Sponsoring

Engraziel fetg ad Adrian Flepp per sia buna lavur prestada. El ha recaltgau il Hotel la Furca e la Scrinaria Flepp sco novs sponsurs da bandas.

Plinavon ei el staus iniziand per las novas monduras dils Juniors cun ils sponsurs: Scrinaria Flepp SA, architectura huonder fa sia sa, Casatec SA e Menzli Sport. Dapli sut tractanda 10.

Arbiters

Il fatg ch'igl arbiter Dominic Deflorin ei buca cumparius a duas rundas da турниr sco arbiter ha vilentau e trumpau fetg. Cun siu demandar ha el caschunau al club bia cuosts da castitg. El vegn a stuer surpender ina part dils castitgs.

Ils ulteriurs arbiters Ramona Venzin, Ursina Bearth ed Andreas Huonder han prestau buna lavur – engraziel fetg ad els!

Fazit

Dapli glied che lavura e pli pauca lavur ch'ei dat per quels che fan adina enzatgei. Sche tuts segidan mo intec dapli, vegnin aunc da far bia dapli. Negin duei encurir stgisas, mobein sespruar da segidar nua ch'ei va – aschia vegn ei bien e fa plascher a tut ils organisaturs e responsabels.

5. Rendaquen e rapport dils revisurs

La cassiera Livia Solèr sa buca esser presenta alla radunonza, aschia ch'il president Flavio surpren cuort la presentaziun dil quen dalla sesiun 2014/2015.

L'uniun siara giu il quen cun ina sperdita da **CHF -2993.10**. Mo era cun quella sperdita ei la situaziun finanziaria dall'uniun vinavon fetg buna e muossa in capital agen da **CHF 39'028.45**.

Il president menziunescha entgins puncts specials sut entradas ed extradas.

- Ina nova entrada vegn da G&S e quenta CHF 2'333.-.
- Alla Ex 2014 havein nus giu ina entrada da CHF 660.-.
- Las contribuziuns alla uniun svizra digl unihoc ein s'augmentadas, damai che vein annunziau dapli equipas.
- Ils honoraris da trenaders ein pli aults.
- La sera dil club ha custau ca. CHF 1'000.-.
- Il турниr da notg 2014 pa purtau in gudogn da CHF 2'993.10.

Ei dat neginas discussiuns pertuccont las finanzas.

Il president fa attents Severino Giger e Remo Bundi da dar en las datas da banca per ch'era els survegnan lur paga sco trenaders.

Ils revisurs da quen Sonja Schmed e Beat Hosang han examinau il rendaquen e han constattau, che tut las cudischaziuns ein accumpignadas da quittanzas e ch'il quen corrispunda als statuts. Els proponan d'approbar il quen.



Il rendaquen vegn approbaus unanimamein.

6. Preventiv 2015/16

La cassiera Livia Solèr ed il president han mess ensemen il preventiv per la sesiun 2015/2016 ch'ei vegnius tschentaus ensemen tenor il quen effectiv dil 2014/2015. Uonn dat ei paucas novas posiziuns el preventiv. Ina speciala ei quella dil camp a Tenero e las entradas da G&S.

Tenero

Tenor preventiv vegn quintau cun entradas da contribuziuns da CHF 3'000.- ed expensas da CHF 7'500.-, aschia che quei dat ina sperdita da CHF -4'000.-. Quella sperdita duei denton buc tener anavos da quels projects. Il club stat el mument en ina buna situaziun finanziaria.

Il preventiv vegn approbaus unanimamein.

7. Fixaziun dallas contribuziuns annualas per ils commembers

La suprastonza propona da schar las contribuziuns sco era ils honoraris dils arbiters sco entochen dacheu.

- Damas / Umens CHF 200.— (excl. cuosts da lizenza)
- Seniors CHF 100. —
- Juniors C CHF 100.— (excl. cuosts da lizenza)
- Junioras CHF 100. —
- Kids CHF 50.—

La suprastonza propona da fixar la contribuziun annuala per la nova equipa dils Juniors U16 sin CHF 120. — (excl. cuosts da lizenza da CHF 30.-).

- honoraris arbiters (cuors e schular) CHF 250.—
- honoraris per runda ch'els van a schular CHF 50.—

La proposta per la contribuziun dils Juniors U16 ed ils ulteriurs cuosts da contribuziuns e honoraris sco entochen dacheu vegnan approbai unanimamein.

8. Elecziuns, reelecziuns

President

Flavio Steger, stat aunc in onn.

Actuara

Marina Lombris, stat ulteriurs dus onns.

Cassiera

Livia Solèr, stat aunc in onn.

Revisiun da quen



Beat Hosang, stat aunc in onn / Sonja Schmed ha abdicau. Silvan Giger vegn proponius.

Organisaziun trenaders

Florian Zanin, vinavon.

Sponsoring

Adrian Flepp, ulteriurs dus onns.

Turnier da notg

Flavio Steger, Severino Giger e Silvan Giger, vinavon.

Internet

Flavio Steger, vinavon. Flavio enquera in gidonter. Negin sedeclara prompts quella sera.

Tut las elecziuns e reelecziuns vegnan approbadas unanimamein cun applaus. Engraziel fetg a tuts.

9. Rapports annuals dils trenaders

Equipa dallas damas – Simon Bisquolm - 2. ligia plaz grond

Simon Bisquolm resumescha la sesiun vargada. L'entschatta ha ei dau bia enzennas da damonda cunquei che tschun "petgas" han calau ed entginas novas giugaduras ein vegnidas vidlunder. Ins saveva buca nua ch'ins steva. Denton mirau anavos ei la sesiun stada in fetg grond success - quei ord treis motivs: 1. → las "veglia" han fatg in pass anavon e han surpriu responsabladad. 2. → las giuvnas han fatg gronds svilups ed ein s'integradas bein en l'equipa. 3. → la mischeida ha fatg ch'ellas ein stadas INA equipa – era en situaziuns pli grevas han ellas tenu ensemen ed il bien "teamspirit" ha dominau, aschia ch'ellas han era saviu gudignar giugs da gnarva.

Auter ch'il giug encunter Glarnerland ei Simon staus fetg contents. Era digl engaschi duront ils trenaments sa el buca selamentar. Tut en tut also fetg positiv. Simon selegra gia ussa da lantschar la nova sesiun. Finamiras vul el aunc metter neginas.

In sulet punct negativ vul Simon aunc menziunar. Il segidar – ei dat biaras che fan bia, sche quellas cloman lu per agid, sei adina certas che sezuppan davos tschellas. Quei ei donn, la finfinala essan nus IN club ed ins segida. Igl engaschi duess esser pli gronds. Schi'ins ha fatg inagada enzatgei, ston ins buc tertgar che ins sto lu far nuot pli l'entira sesiun.

Equipa dils umens – Florian Zanin - 3. ligia plaz grond

Il trenader Florian Zanin informescha, ch'el ha buca bia positiv da raquintar. La sesiun ei stada fetg greva. Igl ei stau in niev start sin plaz grond. Els han giu buns, gie fetg buns trenaments. Las combas eran super en fuorma, il tschurvi denton pli pauc.

Als campiunadis eis el vegnius trumpaus dils resultats. El veva tschentau in ault nivel, ha denton spert stuiu strubegiar engiu el.

Igl engaschi dils giuvens duront la sesiun ei staus super, ils resultats aber buc. Cul 9avel plaz san ins buca dir ch'igl ei stau ina buna sesiun. Il potenzial ensi ei



definitiv avon maun. Florian explichescha ch'els ston far la proxima sesiun denter ils emprems tschun per star ella tiarza ligia.

El selegra sin la nova sesiun ch'entscheiva gia gleiti – ils 17.5. a Glaruna.

Junioras – Claudia Flury ed Adela Stojkova

Claudia resumescha la sesiun. Ellas eran ina equipa da plausch e han giu ina lessiga sesiun. Las giugaduras eran motivadas ed igl ei impurtont ch'ei dat quella equipa. Plinavon di ella, ch'ellas vegnan a menar atras sco finiziun dalla sesiun in giug amicabel encunter ina equipia dalla Lumnezia. Per quella sera enquera ella aunc in arbiter.

Era ella ei dil meini sco Flavio e Simon da segidar dapli. Igl ei fetg stentus sch'ins drova dapli temps d'encurir glied che segida che d'organisar il program.

Corina Venzin sedeclara pronta da segidar sco arbitra per il giug amicabel. Engraziel ad ella.

Juniors B –Severino Giger ed Adrian Flepp – plaz pign

Severino rapporta da dus sentiments. Inaga era el fetg motivaus e spanegiaus sco els vegnan a dar e co ils giuvens ein sesvilupai la davosa sesiun. Da tschella vart era la tema da spiarder cun aults resultats.

Igl ei stau ina fetg varionta sesiun. La secunda runda han els gudignau 1 giug, suenter spiars entochen la 5avla runda, lu puspei gudignau 3,4 giugs tgei che ha dau gronda motivaziun. Encunter ils secunds dalla tabella han els spiars mo 7:6, quei ei stau in grond progress. Ei ha dau bia resultats fetg stretgs ed entgins paris. La sesiun han els serrau giu sin igl 8avel plaz cun 12 puncts.

Il potenzial ensi ei avon maun ed els ein spanegiai sin la proxima sesiun.

Juniors C – Silvan Giger e Remo Bundi – plaz pign

Silvan raschuna dalla sesiun vargada. Els han entschiet la sesiun cun 9 giugadurs. Biars dad els vevan neginas experientschas. Aschia ch'els vevan pintgas speranzas da gudignar. Igl emprem campinadi a Flem han els denton gudignau encunter Sargans tgei ch'ei stau ina gronda sorpresa positiva.

Mintga runda da campinadi han els recaltgau minimum 2 puncts, dano tier ina runda. Silvan di, ch'el hagi aunc mai trenau ina equipa aschi motivada e cun in aschi grond spért da team sco uonn. Ei seigi stau il pli lessig onn da trenar.

Il davos campinadi vessan els saviu setschentar sil 3. plaz cun gudignar omisdus giugs, quei ei deplorablamein buca reussiu als juniors. Aschia han ils Juniors C serrau giu la sesiun sil 6avel plaz cun 17 puncts.

Kids – Ronny Zanin

La sesiun ha entschiet cun 8 affons. Suenter haver fatg reclama, eran els en 11 → 1 da Sedrun, 9 da Mustér ed 1 da Tavanasa. Igl ei stau ina legra sesiun, ha denton duvrau bia gnarvas.

Ronny manegia ch'ei maunca vid la reclama, che buca dapli affons dattan unihoc. Ils placats seigien stai buns, mo ins savessi migliurar la reclama per exempel cun visetas en scola.

Silvan Giger fa la proposta da visitar las scolas duront gimnastica e far ina lecziun d'unihoc cun els.



Plinavon menziunescha Ronny ch'el ei sedecidius da segidar cun Simon da trenar las damas suenter che lez ha "fatg la ttaglia" ditg e liung. Aschia ch'il post sco trenader dils Kids ei vacants.

Seniors

Flavio Steger dat rapport per Kai Hinrichsen:

Ils trenaments ein buca stai frequentai aschi bein sco ella sesiun vargada. Tuttina han els giu fetg intensiv ed interessantas seras. Els ein adina stai circa 12 giugadurs naven dall'entschatta october entochen entschatta avrel. Kai lai engraziar fetg pigl engaschi da tuts giugadurs.

Interessant ei era la differenza denter il pli giuven ed il pli vegl senior → varga 20 onns! Alla fin ha lu propi il giuven "senior" gudignau il buccal dils playoffs.

10. Orientaziuns e decisziuns

Il president Flavio Steger informescha e resumescha la situaziun da trenaders.

Umens

Florian Zanin stat vinavon. El enquera in gidonter.

Damas

Simon Bisquolm stat. Ronny Zanin vegn a segidar sco co-trenader.

Juniors U16

Severino Giger ed Adrian Flepp sorprendan. Quintau sei da far duas gadas per jamna trenament. Dependa dallas hallas libras.

Flavio propona ad Adrian da prender part al cuors dad J&S. Severino ha gia frequentau quel.

Juniors C

Silvan Giger e Remo Bundi stattan vinavon. Era cheu propona Flavio a Remo da far il cuors da J&S. Silvan ha fatg il cuors la sesiun vargada.

Junioras

Claudia Flury ed Adela Stojkova dattan giu lur posts da trenadras. Silvana Cabernard ed Alexandra Flepp sorprendan l'equipa da junioras.

Sche pusseivel duei vegnir baghegiu si per la proxima sesiun ina equipa per campinadi.

Ellas duas studegian era da prender part al cuors da J&S.

Kids

Sco gia menziunau cala Ronny Zanin sco trenader. Ella runda dalla radunonza negin che vul surpender quei post. Flavio Steger vegn a prender si contact cun candidats pusseivels.

Seniors

Kai Hinrichsen stat vinavon.



Arbiters

Muort la nova equip da Juniors U16 che dat sil plaz grond, sto il club metter in ulteriur arbiters. Flavio Steger ei s'annunziaus per quei post, damai che negin auter ei sedeclaraus prompts da surpender il tal.

Plaz grond → Marina Bearth e Corina Venzin

Plaz grond → Andreas Huonder e Joey Manetsch

Plaz pign → Flavio Steger

Sponsoring

Flavio surdat il plaid a Florian Zanin. Lez informescha d'in niev concept dalla Banca Cantunala Grischuna. Per mintga commember cun conto tier la banca dat ei ina summa da sponsoring. Quei vul era dir, pli biars/biaras giugadurs/as che possedan in conto e pli bia daners ch'ei dat pil club. Quei project vegn a cuzzar 5 onns. El meglier cass fuss quei CHF 6000.-. Il concept ei aunc buca ellaboraus a fin. Florian vegn ad informar schigleiti ch'il concept ei fix.

Sco gia detg sut tractanda 4 ha ei dau novas monduras pils juniors cun ils sponsurs Scrinaria Flepp SA, aluis huonder architect fa sia sa, Casatec SA e Menzli Sport. Cuort avon Nadal ha Adrian Flepp scret ina e-mail al president cun la remarca che nossas monduras dils juniors ein fetg veglias en cumparegliaziun cun monduras dad outras equipias als turniers.

Vinavon vegn bess ella runda ch'ins savess far la damonda a "Flurs Solèr" da daventar sponsor.

Camp da trenament a Tenero

Il president informescha, ch'il camp dallas damas ed ils umens ha liug ils 28.-30.08.2015 e 42 persunas ein s'annunziadas. Il camp dils juniors ha liug in' jamna avon, pia ils 22.-23.08.2015, 27 annunzias.

Ei vegn discussiunau tgei mieds da transport che fan senn. Igl ei vegniu decidiu che las damas ed ils umens sorprendan il transport individual cun autos privats, cun quei che l'arrivada dils participonts ei fetg variabla.

Per ils juniors vegn decidiu d'organisar in bus. Flavio pren si contact culs gidonters.

Duel da vischnauncas

Ils Desertina Bulls ein s'annunziati alla occurrenza duel da vischnauncas. Il post secumpona d'in slalom cun sittar sin ina blacha. Ei vegn aunc encuretgh responsabels e gidonters per quei di.

Adela Stojkova, Alexandra Flepp, Jessica Spescha, Fiona Giossi, Arno Pfister ed Andri Nay sedeclaran prompts dad esser presents quei di e menar atras il post.

Simon Bisquolm vul far in Input, cun quei che fetg paucas uniuns ein s'annunziadas a quella occurrenza. A biars sei buca clar, tgei reclama che quei ei per ina uniun da separticipar a quels events. El quetta ord quei motiv fetg impurtont dad esser presents a quell'occurrenza.



Trainers

Igl ei vegniu fatg la damonda da cumprar per tut ils commembers in trainer per ir a campiunadis. Flavio Steger ha tratg en ina offerta dil Menzli Sport. Il trainer custass CHF 90.-/ persuna (senza sponsurs). Menzli Sport dess 25%.

Adela Stojkova s'annunzia e di, che ses geniturs sorprendessan bugen ina summa da sponsoring. Flavio vegn ad informar il responsabel Adrian Flepp ch'ei buc presents alla radunonza.

Plinavon ein Flavia Schnoz e Silvana Cabernard dil meini ch'ei duei esser dau la pusseivladad, ch'era ils novs giugadurs/las novas giugaduras han la pusseivladad da cumprar igl uorden sco trainers, teschas etc.

Era vegn la damonda, sch'il trainer vegn mo fatgs per las damas ed ils umens ni per igl entir club. Florian Zanin s'annunzia ed ei dil meini, dad adina dumandar tuttas equipas, la finfinala essan nus IN club.

Da quei meini ei era la suprastonza. Els vegnan a dumandar gl'entir club tgi che ha interess d'in trainer.

Radunonza generala 2016

Il president Flavio Steger informescha, ch'el ei absents ils meins mars, avrel e matg digl onn 2016. El propona da far la radunonza generala gia il fevrer.

11. Varia

- Florian Zanin pren il plaid. El quetta ei trest ch'il president sto semetter a disposiziun per far arbiter la proxima sesiun. Ei seigi gie buc aschia, ch'il club porscha nuot als commembers!
- Simon Bisquolm orientescha, ch'el vegn aunc a menziunar las uras fixas digl event dalla finiziun dalla sesiun che ha liug ils 25.4.15, la tscheina ha liug allas 19:00 ella Cruna a Mustér.
Era damonda el, sch'ils datums dil cup per las damas ein gia publics e sche mo las giugaduras dalla davosa sesiun astgan dar al cup. Flavio Steger informescha ch'ils datums ein aunc buca enconuscents e che era las novas giugaduras astgan dar il cup schigleiti ch'ellas han lizenza.
Simon engrazia alla suprastonza per lur lavur prestada.
- Il president muossa e lai cursar ella runda la carta d'engraziament da Tomas e Daniela Schmed. Els han giu grond plascher dil schenghetg a caschun dalla naschienscha da Mattia.
- Tomas e Daniela maridan ils 22.8.2015, Flavio Candinas ed Anja Cavegn maridan ils 4.7.15. Flavio propona da star spalier tier omisduas nozzas. Ronny Zanin fa la damonda sch'ins vul schon star spalier tier Flavio Candinas, cunquei ch'el ei gia entgins onns buca pli commember dils Desertina Bulls. Il president vul far ses patratgs da quei e vegn ad informar ils commembers.
- Gl'emprem sitg vegn surpris dil club. La suprastonza ha organisau uonn in pign Apèro cun plattas carn – l'idea ei ch'ils presents stattan aunc da cumpignia.
- Allas 21:30 uras siara Flavio Steger la radunonza.



Mustér, ils 1 da zercladur 2015.
Per il club d'unihoc UHC Desertinabulls

L'actuara
Marina Lombris